



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.48. S. Lioba.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.
A. C. 744.
non computatis Novitiis, aliisque, quorum maximus erat numerus, ingenti solatio vidit. (*)

§. XLVIII.

S. Lioba &c.

vit. tom. 4.
Abt. p. 249.

ap. Bonif.
ep. 36.

Sanctus Bonifacius Virginum quoque Monasteria in Germania fundavit, qua in re adjutricem habuit egregiam S. Liobam ex Gente Anglorum, propinquam suam. Hæc ab unguiculis Deo consecrata, & in Monasterio Winburnensi Tettæ Abbatissæ Disciplinæ tradita, manuum labori & multo magis lectioni se totam dedit, atque usque adeo docta evasit, ut versus Latinos scriberet, qua in exercitatione Sanctam quamdam Virginem, nomine Edburgam, Magistram habuit. Id ipsa nos docet in Epistola ad S. Bonifacium data, cujus hoc est initium: *Rogo te, ut amicitia memineris, qua jungebaris parenti meo, ante annos octo defuncto, atque ores Deum pro anima ejus, & pro anima matris meæ cognatæ tuæ, quæ adhuc dum in vitæ cum morbo pertinaci conflictatur. In tota ejus familia nemo est, a quo tantum auxilii;*

(*) Celeberrimæ hujus Abbatissæ Præfules & S. R. Imp. Principes Summus Pontifex Benedictus XIV. ad Dignitatem Episcopalem anno 1752. evexit.

auxilii, quantum a te sperem. Mitto tibi hoc munusculum, ut non obstante locorum distantia mei recorderis. Nempe jam tunc temporis S. Bonifacius prædicabat Evangelium in Germania, unde ad eam, ceterasque ejusdem Monasterii Religiosas fæminas scribens petit, ut pro se orent, quo Ministerio suo digne fungi possit. In his Epistolis S. Lioba vocatur Leobigutha, id est, Deo Dilecta.

Exinde S. Bonifacius Tettam Abbatissam rogavit, ut Liobam mitteret in Germaniam, auxilio sibi & consolationi futuram; quippe piæ Virginis fama eam jam tunc in extera Regione commendaverat. Tum a Tetta ægre licet dimissam, & in Germaniam delatam excipiens S. Bonifacius statuit ejus opera uti ad instituendas Sanctimoniales, ea ratione qua Sturmium, quem Anachoretam suum appellare consueverat, ad informandos Monachos adhibebat. Ergo eidem Monasterium extruxit in loco, qui deinde *Bischofsheim* dictus est, id est Domus Episcopi, & unde hodie aliqua Civitas Diœcesis Moguntinæ nomen servat, nam Monasterium ætatem non tulit. Tunc autem magna Virginum Congregatio extitit, ex qua multæ Abbatissæ, ut aliis Monasteriis præessent, evocata.

Mulier quædam miserrima, infirmo & inclinato corpore, quæ ad portam

L 5 Mona-

Sæcul. VIII.
A. C. 744.
ep. 25.

c. 14.

Sæcul. VIII. Monasterii cubabat, & de residuis mensæ
A. C. 744. Abbatissæ alebatur, cum ex fornicatione
 infantem peperisset, eum noctu in am-
 nem, muros Monasterii alluentem pro-
 jecit. Sed ecce! alia mulier veniens
 mane aquam haustura infantem mor-
 tuum videt, totumque vicum clamore
 implet dicens, hunc nempe esse ritum,
 quo Moniales istæ infantes suos baptiza-
 rent, & fluvii aquas inficerent. Con-
 currit, infremisque omnis populus, &
 statim Abbatissa aliquam Monialium sua-
 rum, bona sua venia e Monasterio absen-
 tem revocat, quæ Deum testem suæ in-
 nocentiæ invocabat, rogans, ut eam,
 quæ rea esset manifestaret. Tunc Abba-
 tissa omnes Virgines in Oratorio con-
 gregat, Psalterium recitare jubet stantes,
 & extensis in formam Crucis brachiis,
 tum ter in die ad Tertiam, Sextam & No-
 nam circum Monasterium inter publicas
 preces procedere; cumque tertio pro-
 cessuræ essent, Lioba præsentem toto po-
 pulo ad Altare accedens, coram Cruce,
 quæ deferenda erat, Deum inter lacry-
 mas & elevatis in Cælum manibus ora-
 vit, ut Religiosam familiam ab hoc op-
 probrio liberaret. Illico infelix illa pec-
 catrix a Dæmone correpta, crimen suum
 coram omnibus confitetur. Populus
 Deo lætis vocibus gloriam reddidit, San-
 ctimoniales ab omni suspicione liberatæ;

at

at mulierem ream hospes infernalis toto Sæcul. VIII.
 reliquæ vitæ tempore nunquam reliquit. A. C. 744.
 S. Lioba multis aliis prodigiis illustris fa-
 cta est. Habebat quoque in sua Congre- *Othl. l. 1. c. 25*
 gatione Monialem nomine Theclam, quæ *Act. to. 4.*
 eam, cum ex Anglia solveret, secuta, *p. 42.*
 Chizingæ ad Mœnum in Diœcesi Her-
 bipolensi Abbatissa fuit.

§. XLIX.

Baptismus in nomine patria.

Inter hæc Virgilius & Sidonius Presby-
 teri, qui sub Regimine S. Bonifacii Fi- *Zach. ep. 6.*
 dem in Bavaria prædicabant, datis ad
 Zachariam Papam litteris deferunt, in-
 ventum esse in illa Provincia Presbyte-
 rum, qui latinæ linguæ ignarus baptiza-
 ret in hæc verba: *Baptizo te in nomine*
Patria & Filia & Spiritua Sancta, at-
 que S. Bonifacio sententiam stetisse, ite-
 randum esse Baptismum ita collatum.
 Acceptis litteris Papa ad Bonifacium re-
 scripsit, mirari se, quod hujus esset opi-
 nionis, *Nec consentire possumus*, inquit,
ut iterum baptizentur, quos ille Presby-
ter in hunc modum baptizavit, quia sim-
pliciter ignorabat latinam linguam, nec
ullum errorem invehere volebat; cum ne-
quidem illi rebaptizentur, qui ab Hære-
ticis baptizati fuere, si modo in nomine
Trinitatis baptizati sint.

§. L.